

18+

ШОВХАЛ ХЬУСАЙН

ДО1А МУХА ДАН ДЕЗА?

ДО1А НИЙСА ДАР



ШОВХАЛ ХЪУСАЙН ДО1А МУХА ДАН ДЕЗА? ДО1а НИЙСА ДАР

*http://www.litres.ru/pages/biblio_book/?art=63100627
ISBN 9785005175908*

Аннотация

Кху жайни т1ехъ дуйцу:– До1а нийса хилийта х1ун дан деза — До1а дарн дазалла— До1ан жоп хуьлу хьелаш, меттигаш, бахъанаш— До1а дар еза 1амал хилар— 100 до1а кьурьан чуьра а, суннатера а.

Содержание

ДО1А ДАР АЛЛАХ1АН ОМРАНА МУЪТ1АХЪ ХИЛАР ДУ	6
ДО1А ДАР АЛЛАХ1АН ИИБАДАТ	7
ДО1А ДАР УГГАРЕ СИЙЛАХЪ Х1УМА ДУ	8
ДО1А ДАРО АЛЛАХ1АН ОБГ1АЗЛО	9
ДО1А ДАРО Г1ОРАСИЗАЛЛА	10
ДО1А ДАРО БАЛА ЮХ ТУХУ	11
АЛЛАХ1 ШЕГА ДО1А ДечУЪНЦА ВУ ДАЛА ШЕГА ДО1А ДечУХ	12
ДО1А ДАРН Г1ИЛЛАКХАШ	13
ДО1АН ЖОП ДАЛАРАН	14
Конец ознакомительного фрагмента.	16
	18

ДО1А МУХА ДАН ДЕЗА? ДО1а НИЙСА ДАР ШОВХАЛ ХЪУСАЙН

ДЕШХЪАЛХЕ

© ШОВХАЛ ХЪУСАЙН, 2020

ISBN 978-5-0051-7590-8

Создано в интеллектуальной издательской системе Ridero

Биссмиллах 1иррохъманirroхъийм.

Хастам бу Аллах 1ана Шен лайшана мел оышург царна делла волучу. Лайно шега дехча, цунна жоп луш волучу. Аллах 1ера салават а, маршо а хуылда вайн элчанна Мухъаммадан а (Делера салават-маршал хуылда цунна), цуьнан гергарчарна а, асхъабашна а, цара лелийнарг лелош, церан некъа т 1ех мел волучу стагана а, зудчунна а.

Вай наха хийлаза хаттар дина соьга:? – аьлла. И хаттар сайга дича дог 1овжа дора сан, х 1унда аьлча, Делига до1а да цахууш бусулба стага хилча, дог муха 1овжа дийра дац?! Цунах лаьцна а 1илма цуьнгахь ца хилча, стенах лаьцна 1илма хира ду цунгахь?! Цунна уггаре коьрта оышу х 1ума цунна хууш ца хилча? «Делига до1а муха дан деза»

Цундела, сайна т1ехь декхар гора суна до1а муха деш хилар царна билгалла дар, Дала сайна довзийтинчу 1илманца. Цундела, Делан пурбанца, х1ара жайна язда аьтто хили са.

Кху т1ехь хьуна дойзура ду до1а муха дан деза. Мичахь дича, муьлхачу хена дича, муьлхачу хьелашкахь дича вуолехь ду. До1а д1а муха доло деза, чекх муха даккха деза. Х1ун деха мега, х1ун ца мега. До1ан бехкамаш, цуьнан г1иллакхаш, иштта кхиь дуккху х1ума.

Дала хьан до1анна жоп лойла, х1ай лераме бусулба стаг. Айха до1а деш, х1ара жайна яздина Делан лай виц ца вар доьху хьобга.

Дала беркате дойла х1ара жайна хьуна!

Шовхал Сайд-Селиман Хьусайн

ДО1А ДАР АЛЛАХ1АН ОМРАНА МУЪТ1АХЪ ХИЛАР ДУ

Аллах1ас аьлла кьуръан чохъ : «Аш Сьбга деха, Аса шу-
на жоп лур ду».

Цундела, айха Делига до1а деш хьо тешна хила веза Дала хьан до1а жоп цалуш дуйтург ца хилар. Дала Ша жоп лура ду аьлла. Амма Дала Шега динчу до1ан жоп далар тайп-тайпана хуьлу. Наггахь ахь дехнарг ло Цо хьуна. Я ахь дехнарг цалуш, ахь динчу до1ан доьхьал хьобхь цхьа бала юха туху Цо. Я хьан до1ан жоп эхартан д1адуьллу, цигахь хьуна дика дала хьан до1ан доьхьал.

Цундела, хьан до1а дойра дац хьуна цхьанний кепара. Де-
лахьаь, Дала Шен хьикматаца хьуна х1ун обшу хьаьжина жоп лура ду хьуна.

ДО1А ДАР АЛЛАХ1АН 1ИБАДАТ ДАР ДУ

Пайхамаро (Аллах1ера салават а, маршо а хуьлда цунна)
аьлла: **До1а 1ибадат ду.**

Шега до1а дарна Дала яьл ло, х1унда аьлча, ахьа Цуьнга
доьхучу хена, цхьаь дехна ца 1аш, кхин цхьа 1ибадатаь деш
хуьлу хьо, иза ахь до1а дар ду. Цундела, хьан до1ан жоп хи-
лахь а, я ца хилахь а, до1а дарн яьл хуьлу хьуна.

ДО1А ДАР УГГАРЕ СИЙЛАХЬ Х1УМА ДУ

Пайхамаро (Аллах1ера салават а, маршо а хуьлда цунна) аьлла. : «Лекхачу Аллах1ана до1анел сийлахь цхьа а х1ума дац»

Цундела, до1а деш верг, уггаре сийлахь 1амал еш ву. Далла гергахь ву иза.

ДО1А ДАРО АЛЛАХ1АН ОБГ1АЗЛО ЮХА ТУХУ

Пайхамаро (Аллах1ера салават а, маршо а хуьлда цунна) аьлла. : «Аллах1ига доьхуш воцучунна, Иза цунна обг1аз воьду»

Аллах1 Шега до1а ца дечунна обг1аз х1унда воьду те? Массо халкъ Аллах1ига хьаште ду, Цуьнга доьхуша ду шайн хьаштанаш, амма Цуьнга цхьа а х1ума ца доьхуш верг, ша Аллах1ига хьаште вац бохург ду иза цунна, маттаца хьаца-алахь а, шен леларца боху цо иза. Иштта стаг куралла еш ву, цхьа а х1ума Аллах1е ца дехарца. Иштта хила мегар дац. Иштачунна Аллах1 обг1аз воьду, х1унда аьлча, Ша Шега деха хьакь волу Шега ца дехарна. Цундела, сих-сиха, х1ора дийнахь Аллах1иг до1анаш деш хила веза хьо, х1ай Аллах1ан лай!

ДО1А ДАРО Г1ОРАСИЗАЛЛА Д1АЙОККХУ

Пайхамаро (Аллах1ера салават а, маршо а хуьлда цунна)
аьлла: . «Уггаре г1орасиз верг, до1а ца далуш верг ву»
– аьлла пайхамаро (Аллах1ера салават а, маршо а хуьл-
да цунна), ткъа шен герз охъа теснарг хира вац г1ора сиз?
Шен уггаре доккха а, ч1о г1а а, дика а герз охъа тесна цо хи-
лча. Цундела, ниц1къ берг, шен Делига кхойкхуш до1а деш
верг ву. «Муьмин стега герз до1а ду»

ДО1А ДАРО БАЛА ЮХ ТУХУ

До1ано т1ебеьна бала а, хира болу бала а юх туху. Т1ебеьна бала юха тохар хуьлу иштгачу кепар, масала: Хьобца цхьа бала бу, ткьа ахь Делига до1а дича и бала хьайх д1а ай-ба аьлла, хьан до1анца д1аойбу иза Аллах1ас.

Хира болу бала юха тохар хуьлу иштгачу кепар, масала: Дала хьуна цхьа бала язъбина, хьуна хила безаш болу, ткьа ахьа до1а дахь и бала хьайна ма хилийта аьлла, хьан до1анца Аллах1ас ца хуьлуйту хьуна и бала.

Х1оккхяхь хаттар кхолладара тарло хьан: . *«Суна мичара хуур ду, Дала сайна х1у бала язъбина, аса иза ма хилийта аьлла Цуьнага дехал?»*

Хьуна иза хоййла дац цхьанне кепара, х1унда аьлча, хира дег хууш верг, хир дерг хуьлуйтуш верг Аллах1 бен воцун дера. Т1кьа иза Аллах1ан кьайле ю, хьуна хаа йиш йоцуш. Цундела, ахьа хьайна ца безаш болу бала боьхура бу, ткьа Дала хьуна язъйначу кхелехь и бала язбина белахь, ахь иза махилийта аьлла до1а дарца, Дала хьан до1анца цахуьлийту хьуна иза Шена лаахь.

АЛЛАХ1 ШЕГА ДО1А ДеЧУЪНЦА ВУ

Пайхамаро (Аллах1ера салават а, маршо а хуьлда цунна) аьлла». : «Сийлахь а, везачу Аллах1ас кьуръан чохь бо-ху: Со сан лайца ву, цо Соьга дехча

Аллах1 хьобца хилар бохуРг, Цо хьуна г1о дар, хьо лар-вар, хьан до1ан жоп далар, хьан дог пархат даккхар, хьо то-лавар, иштта кхиболу пайданаш а хьуна хилийтар ду. Ткъа хьо до1а деш хилча, Аллах1 хьобца хилча, хьуна кхин х1ун оьшу? Цундела, хьан герз Аллах1ац ду, Цунна т1е болх бил-ла, Цуьнга деха.

ДАЛА ШЕГА ДО1А ДЕЧУХ КЪИНХЕТАМ БО

Пайхамаро (Аллах1ера салават а, маршо а хуьлда цунна) аьлла: «Аллах1ас шух милла а шега до1а дар т1ехъ нисвича, Аллах1ас цунна Шен къинхетаман не1арш д1айобьллу».

Ахь до1а дар, Аллах1ас хьобхь бина къинхетам бу хьуна, хьуна до1а дар дага даийтарца, хьуна иза дар деза далийтарца. Цундела, ахьа до1а дийра дац, Аллах1ас хьан аьтто би-чи бен, Аллах1ас хьан аьтто а бина до1а деш хьо велахь, Аллах1ас Шен къинхетаман не1арш д1айиллина хьуна. Далла хастам бе.

ДО1А ДАРН Г1ИЛЛАКХАШ

До1 деш верг х1ара г1иллакхаш лардеш хила веза. Х1ара г1иллаккхаш лардара Далла дезаш ду, х1орш лардара мелехъ ду, х1орш лардаро до1ан жоп далар алсам доккхуш ду.

1) -Къилбе верзар.

2) -Дала до1ан жоп лур ду аьлла дог тешна хилар.

3) -Дуккху х1ума дехар, дуьнен х1ума а, эхарт х1ума а.

4) -До1ангахъ доьхуш дерг юх-юха дехар.

5) -До1ан жоп хиларн сих ца валар.

6) -Айха до1ангахъ доьхуш дерг ч1аг1дина хилар, ца бо-хуш, «**я Аллах1, Хьайн лаахъ хилийта Ахъ**» «**Я Аллах1! Ло Ахъ сунна из**» алар.

7) -До1а деш Аллах1ан хьаставелла хилар, Цунаха кхоб-руш, Цуьнга са туйсуш, Иза дагахъ хилар.

8) -Айха доьхуш дерг кхузза дехар.

9) -До1а деш аз лахдина хилар, шена хезачу кепара, кхе-чунна ца хезачу кепара.

10) -Къинош летийна хиларца мукъарло дар, царех дохко валар.

11) -Дала деллачу ни1маташна мукъарло дар, Цунна цар-на хастам бар.

12) -Бусулбачу нахана до1а дар, къаьстина дена-нанна, дешначу нахана, дикачу нахана, мискачу нахан, г1ийлачу нахан, шайна зулум хилчу нахан а.

13) -Хьалхара шена дехар кхечун дехале, цулг1ехъа кхи-болучарна а дехар.

14) -Дериге х1ума Аллах1ига дехар, жиманиг а, доккханиг а.

ДО1АН ЖОП ДАЛАРАН БАХЪАНАШ

Х1ара бахъанаш до1а деш лардара ч1ог1а коърте ду. Х1ара бахъанаш до1а дочуьнца хилахъ, дерише я цхъадериш, цуьнан до1ана жоп далар алсам хуьлу.

Цуьнца х1ара бахъанаш дукхох мел хуьлу, цуьнан до1ан жор хиларан сатийсам а алсам хира бу. Цундела, х1ар бахъанаш до1а дечунна хаадезаш ду, шен до1а жоп доцуш ца дийсиyta.

1) -До1а д1адоладар Аллах1ан хастам барца – аьлла, цулт1ехъа Аллах1 хъаставарца, цулт1ехъ пайхамарин (Аллах1ера салават а, маршо а хуьлда цунна) салават дилларца а аьлла. **«Альхъамдулиллах1и роббилъ 1аламийн» «аллох1умма соли 1ала Мухъаммад» — ¹**

До1а дина ваьлча Аллах1ан хастам а беш, пайхамарин (Аллах1ера салават а, маршо а хуьлда цунна) салават а дуьлуш до1а чекх даккхар.

2) -До1а деш ши куьг хъала айбар.

3) -Ша деш долу до1ангахъ шек ца хилар, ша доьхуш дерг Дала шена лур ду аьлла дог тешна хилар.

¹ – Аллах1 хъаставар хуьлу Аллах1ехъ долу х1уманашца иза хъаставар. Масала: Я Аллах1, Хьо цхъаь ву, Хьо кьинхетаме ву, Хъан карахъ ду дериге х1ума – иштта кхечу дешнашца а.

4) -Хъанал рицІкъ дууш а, молуш а хилар. Хъанал рицІкъ даара доІан жоп хилар бахъан ду, амма рицІкъ хъанал дацахъ, доІан жоп ца хилар герга ду.

5) -ДоІан жоп хилар сих ца дар. И бохурга, шен доІан жоп ца луш хан яълча, и хІума дехар Іадда дитара доІан жоп хилар сихо яр ду. Иштта жобпан сихо яро доІан жоп ца хуьлуйту. Іадда ца дуьтуш юх-юха деха деза. *«суна жоп ца ло»*

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.